



REPUBLIKA E SHQIPËRISË  
ENTI RREGULLATOR I ENERGJISË

**Bordi**

**VENDIM**

**Nr. 224 , Datë 26.10.2018**

**MBI**

**FILLIMIN E PROCEDURAVE PËR MIRATIMIN E TARIFËS SË SHËRBIMIT TË  
TRANSMETIMIT TË ENERGJISË ELEKTRIKE PËR VITIN 2019**

Në mbështetje të nenit 16, dhe nenit 21 të Ligjit nr. 43/2015 “Për Sektorin e Energjisë Elektrike” i ndryshuar, nenit 19, pika 1, gërma c, të “Rregullave të Organizimit, Funkcionimit dhe Procedurave të ERE-s”, miratuar me Vendimin e Bordit të ERE-s nr. 96, datë 17.06.2016, Bordi i ERE-s në mbledhjen e tij të datës 26.10.2018, mbasi shqyrtoi relacionin e përgatitur nga Drejtoritë Teknike mbi fillimin e procedurave për miratimin e tarifës së shërbimit të transmetimit të energjisë elektrike për vitin 2019

**Konstatoi se:**

- Me shkresën Nr. 6879 Prot dt. 4 Tetor 2018 (protokolluar në ERE me Nr. 634 Prot dt. 5.10.2018), OST sha, ka përgatitur llogaritjen e tarifës së shërbimit të transmetimit të energjisë elektrike për vitin 2019, sipas materialit që Shoqëria i ka bashkangjitur kësaj shkrese.
- Në kapitullin e parë, paraqitet një informacion i përgjithshëm rreth OST sha ku listohen në mënyrë të detajuar përgjegjësitë kryesore të OST sha që burojnë nga aktet ligjore, nënligjore dhe ato rregullatore në fuqi, të tilla si operimi, mirëmbajtja dhe zhvillimi i rrjetit të transmetimit duke përfshirë interkoneksionet me vendet e tjera kufitare.
- Në kapitullin e dytë të aplikimit, flitet për nivelin e synuar të të ardhurave që kërkohen prej tarifës së transmetimit, e cila synon të mbledhë të ardhurat për të zhvilluar investimet e nevojshme në sistem, për të përballuar kostot operative të drejtimit të Shoqërisë si dhe për të minimizuar humbjet në sistemin e transmetimit.
- Kapitulli i tretë i aplikimit flet për pritshmëritë e situatës energjitike për vitin 2018. Sipas këtij parashikimi, energjia që pritet të lëvrohet në rrjetin e OST sha për vitin 2018 është 9,852 GWh ndërsa ajo e planifikuar për vitin 2019 është 7,337 GWh. Këtu OST sha bazohet në të dhënat historike si dhe duke konsideruar rritjen e mundshme të numrit dhe

volumit të Konsumatorëve të Kualifikuar si dhe sasinë e energjisë së nevojshme për mbulimin e humbjeve në sistemin e transmetimit.

- Në kapitullin e katërt të aplikimit OST sha, parashikon kërkesën për energji për vitin 2019 si dhe mënyrën e mbulimit të saj. Në bazë të të dhënave të paraqitura nga OST sha gradienti i rritjes së kërkesës për energji elektrike në shkallë vendi mbi baza vjetore është i rendit rreth 1.8%.
- Në kapitullin e pestë OST sha, përshkruan funksionet dhe përgjegjësitë e Operatorit të Tregut (OT) për të cilin thotë që është pjesë e strukturës së OST sha. në nivel Departamenti.
- DOT (Departamenti i Operatorit të Tregut), administron Rregjistrin e Palëve të tregut si dhe ndjek procedurat përkatëse të rregjistrimit të tyre mbështetur në Rregullat e Tregut (RrT) dhe Kodin e Sistemit të Transmetimit (KST).
- Në kapitullin e gjashtë, Shoqëria ka përshkruar në vija të përgjithshme zhvillimet në tregun e energjisë balancuese dhe humbjeve në rrjet. Për vitin 2019, humbja e energjisë në rrjet është vlerësuar në rreth 179 milionë kWh. Kjo sasi energjie do të blihet me bazë tregu, dhe bazuar në të dhënat e HUPEX është konsideruar çmimi mesatar vjetor prej rreth 60 €/MWh. Fondi që kërkohet për blerjen e kësaj sasi energjie është rreth 1, 4 miliard lekë.
- Në kapitullin e shtatë, OST sh.a ka paraqitur llogaritjen e tarifës së shërbimit transmetimit për vitin 2019 ku përfshihen kostot kapitale dhe kostot operative, me 3 variante si më poshtë

Metodologjia e llogaritjes së tarifës të transmetimit			Viti 2019			
Përshkrimi	Niveli i shtuar i te ardhurave (I+II+III)	Niveli i Leka	Versioni			
			Version 1	Version 2	Version 3	
			Metodologjia	Hospagesa e huave	Hospagesa e huave, Hargja e Shërbimeve ndihmëse nga KESH	
C = Cilapet + Copenses - Te ardhurat nga alokimi i kapaciteteve			9,952	6,815	6,035	
C kapital = R * D			6,069	2,952	2,952	
1	Kthimi mbi kapitalin (R = R <sup>0</sup> * uacc)	Milion Leka	3,617	500	500	
a.	B (Baza e rregulluar e asistive)	==	47,722	47,722	47,722	
b.	WACC = [ES * ARRE / (1-T)] + [DS * CoD]	%	7.58%	1.05%	1.05%	
	ES - Objektiv për raportin e kapitalit te vet ne RAB	==	58.4%	58.4%	58.4%	
	T - Norme e takses se korporates	==	15%	15%	15%	
	ARRE - Norma e kuar e kthimit mbi kapitalin e vet pas takses	==	9.4%	1.5%	1.5%	
	DS - Objektiv për raportin e borzhit ne RAB	==	41.6%	41.6%	41.6%	
	CoD - Kosto e borzhit	==	2.3%	0.0%	0.0%	
2	Amortizimi i vitit (D)	Milion Leka	2,452	2,452	2,452	
C copenses			5,063	5,063	4,283	
1	Personel	==	1,380	1,380	1,380	
2	Shërbime administrative e tjera	==	620	620	620	
3	Materiale tj para	==	130	130	130	
4	Serja e shërbimeve ndihmëse	==	1,000	1,000	200	
5	Serja e humbjeve	==	1,400	1,400	1,400	
6	Pagesat ETC (inter TSO Compensation mechanism)	==	500	500	500	
7	Pagesat për organizmat regional e europare	==	50	50	50	
8	Taksa	==	3	3	3	
Te ardhurat nga alokimi i kapaciteteve			(1,200)	(1,200)	(1,200)	
E - Energji e transmetuar (DNEE = te tjera)			7,158	7,158	7,158	
Tarifa mesatare e transmetimit			Lekë/MWh	0.95	0.84	
P <sub>mesazh</sub> = C <sub>mesazh</sub> / E			Leka / kWh /muaj	279.8	100.7	100.7
Cilapetet = Cilapet - Te ardhurat nga alokimi			Milion leka	4,889	1,752	1,752
L - shuma e cilapetet / total muaj			kWh	1,450,000	1,450,000	1,450,000
P <sub>mesazh</sub> = C <sub>mesazh</sub> / E			Leka / MWh	0.71	0.71	0.40
C copenses			Milion leka	5,063	5,063	4,283
E - Energji e transmetuar (DNEE = te tjera)			kWh	7,158	7,158	7,158
P <sub>mesazh</sub> = C <sub>mesazh</sub> / E			Leka / MWh	0.71	0.95	0.84

- Nuk është paraqitur në ERE, në zbatim të pikës 5 të nenit 60 të Ligjit 43/2015 “Për Sektorin e Energjisë Elektrike”, i ndryshuar, plani i investimeve për vitin 2018 dhe

*vitin 2019, e më tej në aplikim nuk ka informacion mbi realizimin e këtij plani për vitin 2017 dhe të pritshmin e vitit 2018.*

- Nuk janë paraqitur në mënyrë analitike kostot faktike të 9 muajve tashmë të mbyllur të vitit 2018 si dhe parashikimin e pritshëm për pjesën e mbetur të vitit 2018.
- Nuk janë argumentuar në mënyrë analitike, por vetëm përshkruar në mënyrë empirike kostot e pritshme të funksionimit normal të OST sh.a për vitin 2019, ashtu sikurse përcaktohet në nenin 5 paragrafi 18 të “Metodologjisë së llogaritjes së tarifave të transmetimit të energjisë elektrike” .
- Nuk janë paraqitur në mënyrë të veçantë kostot e funksionimit të Operatorit të Tregut, pavarësisht se ky operator është ende pjesë e OST sh.a në nivel Departamenti.
- Nuk është paraqitur në mënyrë të detajuar korrigjimi i të ardhurave nga periudha e mëparshme rregullatore.
- Mungon analiza e llogaritjes së Bazës së Rregulluar të Aseteve (RAB) për vitet 2015-2018 për të evidentuar dhe paraqitur në këtë mënyrë gjendjen dhe lëvizjet e asetëve të *detajuara* krahasuara me pasqyrat financiare përkatëse. Shqyrtimi vështirësohet edhe më tej nga mungesa e planit të investimeve të Shoqërisë për vitet 2018 dhe 2019 si dhe nga mungesa e raportimit të investimeve të realizuara për vitin 2018 si dhe investimet faktike për vitin 2017.
- Nuk janë paraqitur vlerat e shërbimeve ndihmëse të realizuara për vitin 2018, e *shoqëruar dhe me sqarimet përkatëse në lidhje me kapacitetin faktik të realizuar për vitin 2017 dhe të pritshmin për vitin 2018*, për të argumentuar kërkesën e të ardhurave të kerkuara për mbulimin e kostove të parashikuara për vitin 2019. Në lidhje me kostot e këtyre shërbimeve OST sh.a. deklaron se ka marrë në konsideratë, çmimet e aplikuara nga TSO-të e rajonit pa dhënë referenca të mëtejshme.
- Për sa u përket humbjeve në rrjetin e transmetimit, në aplikimin e saj OST sh.a ka konsideruar një çmim mesatar vjetor prej 60 Euro/MWh, duke deklaruar që bazohen në të dhënat e HUPX. Në lidhje me këtë referencë do të kerkohen shpjegime dhe argumentime dhe verifikime të mëtejshme, të cilat do të kryhen gjatë procesit të miratimit të të tarifës së transmetimit të energjisë elektrike.

Një pjesë e mangësive të konstatuara më sipër i janë adresuar Shoqërisë OST sh.a me shkresën tonë Nr. 654 dt. 15 Tetor 2018. Deri më tani nuk kemi informacion shtesë për efekt të aplikimit të OST sh.a për tarifën e transmetimit të energjisë elektrike për vitin 2019, por jemi ende në pritje.

Për gjithë sa më sipër cituar, Bordi i ERE-s,

**Vendosi:**

1. Fillimin e procedurave për shqyrtimin e aplikimit për përcaktimin e tarifës së shërbimit të transmetimit të energjisë elektrike nga OST sha për vitin 2019.
2. Drejtoria Çmimeve dhe Tarifave, të njoftojë aplikuesin për Vendimin e Bordit të ERE-s.

**KRYETARI**

**PETRIT AHMETI**